



অবিলম্বে প্রকাশের উদ্দেশ্যে: 3/3/2026

গভর্নর ক্যাথি হোকল

গভর্নর হোকল এবং মেয়র মামদানি নিউ ইয়র্ক সিটির সকল দুই-বছর-বয়সী শিশুদের জন্য বিনামূল্যে শিশু যত্ন পরিষেবা চালুর ব্যাপারে বড় মাইলফলক ঘোষণা করেছেন

স্টেট সরকারের উল্লেখযোগ্য বিনিয়োগের মাধ্যমে, NYC এই শরতে চারটি কমিউনিটিতে 2,000টি 2-K সিট প্রদান নিশ্চিত করবে

পুরো স্টেটজুড়ে সর্বজনীন শিশু যত্ন পরিষেবা প্রদানের ভিত্তি স্থাপন করা হচ্ছে যা নিউ ইয়র্কের পরিবারগুলোর বার্ষিক বিলিয়ন পরিমাণ মার্কিন ডলার সাশ্রয় করবে

গভর্নর Kathy Hochul (ক্যাথি হোকল) আজ মেয়র Mamdani (মামদানি)-এর সাথে যুক্ত হয়ে নিউ ইয়র্ক সিটি (New York City)-এর দুই-বছর-বয়সীদের জন্য প্রথমবারের মতো বিনামূল্যে শিশু যত্ন পরিষেবা নিশ্চিত করার পরিকল্পনার বড় মাইলফলক ঘোষণা করেছেন। তারা এই শরতে 2,000টি 2-K সিট পেতে যাওয়া প্রথম চারটি কমিউনিটি নির্বাচনের কথাও ঘোষণা করেন। এটি নিউ ইয়র্ক সিটির প্রাক-শিশু যত্ন এবং প্রাথমিক শিক্ষা প্রচেষ্টায় গভর্নরের 1.2 বিলিয়ন মার্কিন ডলারের প্রতিশ্রুতির একটি প্রত্যক্ষ ফলাফল যার মধ্যে সিটিতে প্রথম 2,000টি 2-K সিট নিশ্চিতের জন্য 73 মিলিয়ন মার্কিন ডলারের একটি উল্লেখযোগ্য বরাদ্দ অন্তর্ভুক্ত রয়েছে, এছাড়াও সিটির বর্তমান 3K অবকাঠামো আধুনিক করার জন্য স্টেট সরকারের পক্ষ থেকে অর্থায়ন করা হচ্ছে যাতে পুরো সিটির সকল পরিবারকে সেবা দেওয়ার প্রতিশ্রুতি পূরণ করা যায়। স্টেট সরকারের অব্যাহত সহায়তায়, 2K খাতে এই বিনিয়োগ আগামী বছরের মধ্যে 425 মিলিয়ন মার্কিন ডলারে পৌঁছাবে বলে আশা করা হচ্ছে।

"নিউ ইয়র্কের প্রথম মা গভর্নর হিসেবে, সাশ্রয়ী, সর্বজনীন শিশু যত্ন পরিষেবা নিশ্চিত করা আমার প্রশাসনের একটি প্রধান অগ্রাধিকার এবং আমরা এটি বাস্তবায়নের জন্য কাজ করে যাচ্ছি," **গভর্নর Hochul (হোকল) বলেন।** "সিটিজুড়ে দুই-বছর-বয়সী সকল শিশুদের জন্য বিনামূল্যে শিশু যত্ন পরিষেবা পুরোপুরি বাস্তবায়নের লক্ষ্যে ভিত্তি স্থাপন এবং এক বছর নয় বরং দুই বছরের জন্য অর্থায়ন নিশ্চিত করতেই আমরা নিউ ইয়র্ক সিটির সাথে অংশীদারিত্ব করতে দ্বিধা করিনি।"

নিউ ইয়র্ক সিটির মেয়র Zohran Mamdani (জোহরান মামদানি) বলেন, "একটি সন্তানকে বড় করতে পুরো গ্রামের সহযোগিতা প্রয়োজন – এবং সেই সাথে প্রয়োজন এমন একটি সিটি সরকার যা শিশু যত্ন সংশ্লিষ্ট সংকটগুলো সরাসরি মোকাবিলা করতে প্রস্তুত। অষ্টম দিনে, আমরা সর্বজনীন শিশু যত্ন পরিষেবাকে বাস্তবে রূপ দেওয়ার আরো কাছাকাছি পৌঁছেছি। এই শরতে, নিউ ইয়র্ক সিটির 2,000টি দুই-বছর-বয়সী শিশু এর ফলে একটি উজ্জ্বল ভবিষ্যতের সুযোগ

পাবে। এই চারটি এলাকায় 2-K কর্মসূচি চালু করা হলো নিউ ইয়র্কবাসীদের পকেটে অর্থ ফিরিয়ে দেওয়া, আমাদের সামগ্রিক অর্থনীতিকে শক্তিশালী করা এবং আরো অনেক পরিবারকে এখানে জীবন গড়ে তুলতে সাহায্য করার প্রচেষ্টার মাত্র শুরু।"

যে চারটি এলাকা 2,000টি নিউ ইয়র্ক সিটি 2-K সিট পাবে, সেগুলো হলো:

- ওয়াশিংটন হাইটস অ্যান্ড ইনউড
- ফোর্ডহ্যাম অ্যান্ড কিংসব্রিজ
- ইস্ট ব্রুকলিন: কানার্সি, ব্রাউনসভিল, অ্যান্ড ওশান হিল
- ওজোন পার্ক অ্যান্ড রকওয়েজ

নিউ ইয়র্ক সিটিতে 2-K কার্যক্রম চালুর পাশাপাশি, স্টেট সরকার 2025 সালে বিভিন্ন মডেলের মাধ্যমে স্টেট ব্যাপী উচ্চ-মানের শিশু যত্ন পরিষেবার সুযোগ সম্প্রসারণ অব্যাহত রাখবে যা নিউ ইয়র্কের পরিবারগুলোর বার্ষিক বিলিয়ন বিলিয়ন মার্কিন ডলার সাশ্রয় করবে। গভর্নর Hochul (হোকল) ইতোমধ্যে শিশু যত্ন সংশ্লিষ্ট অবকাঠামোতে 8 বিলিয়ন মার্কিন ডলারের বেশি বিনিয়োগসহ বেশ কিছু বড় পদক্ষেপ গ্রহণ করেছেন যা এই পরিষেবার পরিধি ব্যাপকভাবে বৃদ্ধি করেছে এবং স্টেটজুড়ে সর্বজনীন শিশু যত্নের ভিত্তি স্থাপন করেছে। গভর্নরের স্টেট অব দ্য স্টেট বিনিয়োগের ফলে আরো প্রায় 100,000 শিশু সাশ্রয়ী মূল্যে শিশু যত্নের সুবিধা পাবে। স্টেটজুড়ে শিশু যত্ন এবং প্রি-কিন্ডারগার্টেন পরিষেবার জন্য 27 অর্থবছরের মোট বিনিয়োগ হবে 4.5 বিলিয়ন মার্কিন ডলার।

আজকের এই ঘোষণাটি নিউ ইয়র্ক স্টেটজুড়ে পাঁচ বছরের কম বয়সী শিশুদের জন্য সাশ্রয়ী, সর্বজনীন শিশু যত্ন নিশ্চিত করতে গভর্নরের অভূতপূর্ব বিনিয়োগের ওপর ভিত্তি করে তৈরি, যার মধ্যে আরো অন্তর্ভুক্ত রয়েছে:

বাস্তব অর্থে ইউনিভার্সাল প্রি-কে অর্জন

যদিও নিউ ইয়র্কের কিছু অংশে চার বছর বয়সী শিশুদের Pre-K-তে প্রবেশাধিকার দীর্ঘদিন ধরে ছিল, তবুও কয়েক ডজন স্কুল ডিস্ট্রিক্ট এখনও এটি উপলব্ধ করতে পারেনি। 2028-2029 শিক্ষাবর্ষের শুরুর মধ্যে স্টেটের সকল চার বছর বয়সী শিশুদের জন্য প্রকৃত অর্থে সর্বজনীন Pre-K নিশ্চিত করার জন্য গভর্নর Hochul (হোকল) অতিরিক্ত সহায়তা প্রদান করছেন।

সর্বজনীনতা অর্জনের জন্য স্টেট কেবল অতিরিক্ত আসনের জন্যই তহবিল প্রদান করবেন না বরং বিদ্যমান আসনের জন্যও তহবিল বৃদ্ধি করবে, যা প্রতি শিক্ষার্থীর জন্য প্রয়োজ্য স্কুল ডিস্ট্রিক্টের বর্তমান নির্বাচিত ফাউন্ডেশন সহায়তার চেয়ে 10,000 ডলারের বেশি হবে, যাতে ডিস্ট্রিক্টগুলিতে উচ্চমানের Pre-K প্রদানের জন্য প্রয়োজনীয় উপকরণ থাকে। এই সমন্বয়টি প্রায় অর্ধ বিলিয়ন ডলারের প্রতিশ্রুতিকে প্রতিফলিত করে এবং নিশ্চিত করবে যে নিউ ইয়র্ক স্টেটের প্রতিটি শিশু শেখার জন্য প্রস্তুত কিন্ডারগার্টেনে প্রবেশ করতে পারে।

স্বল্পমূল্যের ও সাশ্রয়ী চাইল্ড কেয়ার সহায়তা কর্মসূচিগুলোর ধারাবাহিক প্রবেশাধিকার নিশ্চিত করা

গভর্নর Hochul (হোকল) এর নেতৃত্বে, নিউ ইয়র্ক, স্টেটের শিশু পরিচর্যা সহায়তা কর্মসূচিতে (Child Care Assistance Program, CCAP) দ্বিগুণেরও বেশি বিনিয়োগ করেছে, যা নিম্ন আয়ের পরিবারগুলিকে শিশু পরিচর্যা অ্যাক্সেস করতে সহায়তা করার জন্য ভর্তুকি প্রদান করে। প্রোগ্রামটিতে রাষ্ট্রের বিনিয়োগ নাটকীয়ভাবে বৃদ্ধি করার পাশাপাশি এর আওতাভুক্ত হওয়ার যোগ্যতা প্রসারিত করার মাধ্যমে, এটি এখন গভর্নর Hochul (হোকল) দায়িত্ব নেওয়ার সময়ের চেয়ে 2.5 গুণ বেশি—অতিরিক্ত 100,000 শিশুকে—সহায়তা দিচ্ছে; শুধুমাত্র গত এক বছরেই এই প্রোগ্রামের সুবিধাভোগী শিশুর সংখ্যা প্রায় 25 শতাংশ বৃদ্ধি পেয়েছে। এই কর্মসূচির আওতায় সেবা পাওয়া 170,000 শিশুর অধিকাংশ পরিবারই শিশু যত্নের জন্য সপ্তাহে 15 মার্কিন ডলারের বেশি খরচ করে না।

এই বছর, গভর্নর Hochul (হোকল) যাদের সবচেয়ে বেশি প্রয়োজন তাদের জন্য শিশু যত্ন ভর্তুকিতে স্টেটের বিনিয়োগ বৃদ্ধি অব্যাহত রাখবেন। 1.2 বিলিয়ন ডলারের অতিরিক্ত বিনিয়োগের মাধ্যমে এই খাতে মোট বরাদ্দের পরিমাণ 3 বিলিয়ন মার্কিন ডলার ছাড়িয়ে যাবে। এটি গভর্নর দায়িত্ব নেওয়ার আগে প্রদানকৃত 832 মিলিয়ন মার্কিন ডলারের তুলনায় 3.5 গুণেরও বেশি, এবং 2026 অর্থ বছরের অনুমোদিত বাজেটে যা বরাদ্দ ছিল তার চেয়ে প্রায় 40 শতাংশ বেশি।

স্টেট ব্যাপী কাউন্টিগুলোর সাথে নতুন উদ্ভাবনী পাইলট প্রোগ্রাম চালু

2026 সালে, গভর্নর Hochul (হোকল) ডাচেস কাউন্টি, মনরো কাউন্টি এবং ক্রম কাউন্টির সাথে অংশীদারিত্বের ভিত্তিতে একটি নতুন স্টেট পাইলট প্রোগ্রাম চালু করেছেন যাতে কাউন্টিগুলো তাদের কমিউনিটিতে অতিরিক্ত শিশু যত্ন সুবিধা নিশ্চিত করতে পারে। এই পাইলট প্রোগ্রামে মোট 60 মিলিয়ন মার্কিন ডলারের স্টেটীয় অর্থায়নের পাশাপাশি তিনটি কাউন্টির প্রতিটি থেকে নতুন বিনিয়োগ অন্তর্ভুক্ত রয়েছে। এই বিনিয়োগগুলো কাউন্টিগুলোকে শিশু যত্নের সুযোগ বাড়াতে সাহায্য করবে, বিশেষ করে আয় অবস্থা ব্যতিরেকে হাজার হাজার পরিবারের জন্য বছরব্যাপী এবং পূর্ণকালীন সেবার মাধ্যমে 0-3 বছর বয়সী শিশুদের সেবা দেওয়ার ওপর গুরুত্ব দেওয়া হবে।

অফিস অফ চাইল্ড কেয়ার অ্যান্ড আর্লি এডুকেশন

একটি নতুন 'অফিস অব চাইল্ড কেয়ার অ্যান্ড আর্লি এডুকেশন' নিউ ইয়র্ক স্টেটে উচ্চ-মানের, সর্বজনীন শিশু যত্ন (চাইল্ড কেয়ার) কার্যক্রম বাস্তবায়নে নেতৃত্ব দেবে। অফিসটি সর্বজনীন প্রিকে এর বাস্তবায়ন পর্যবেক্ষণ ও সহায়তা করবে, থ্রি-কে-তে বিনিয়োগ অব্যাহত রাখবে, 2-কেয়ার এবং অন্যান্য উদ্ভাবনী যত্ন নেওয়ার সুযোগগুলো চালু করবে, ভাউচার ব্যবস্থার সম্প্রসারণ ও উন্নয়ন করবে এবং কর্মীবাহিনীর জন্য চলমান সহায়তা প্রদান করবে।

আর্লি চাইল্ডহুড এডুকেটর প্রস্তুতির মাধ্যমে কর্মশক্তিকে সহায়তা করা

নিউ ইয়র্কের প্রারম্ভিক শৈশব শিক্ষা কর্মীবাহিনীকে শক্তিশালী করার জন্য গভর্নর Hochul (হোকল)-এর পরিকল্পনার মধ্যে রয়েছে বিদ্যমান কর্মীবাহিনীর স্কলারশিপ সম্প্রসারণ করা, নতুন 'ওয়ার্কফোর্স পেল গ্র্যান্ট'-এর সুযোগ অন্বেষণ করা এবং প্রারম্ভিক শৈশব শিক্ষা কর্মসূচিগুলোকে প্রসারিত ও সুবিন্যস্ত করার জন্য SUNY এবং CUNY-কে বেশ কিছু পদক্ষেপ নেওয়ার নির্দেশ দেওয়া।

গভর্নর Hochul (হোকল)-এর প্রশাসন নিউ ইয়র্কের সকল পরিবারের জন্য সাশ্রয়ী মূল্যে শিশু যত্ন নিশ্চিত করার লক্ষ্যে অত্যন্ত গুরুত্ব সহকারে কাজ করছে। বিশেষভাবে বলতে গেলে, স্টেট ইতোমধ্যেই যা অর্জন করেছে তা হলো:

- মাত্র চার বছরে চাইল্ড কেয়ার ভাউচারের মাধ্যমে সেবা পাওয়া শিশুর সংখ্যা দ্বিগুণেরও বেশি বৃদ্ধি পেয়েছে, যার মধ্যে শুধুমাত্র গত 12 মাসেই প্রায় 25 শতাংশ বৃদ্ধি ঘটেছে।
- শিশু যত্নের জন্য 8.6 বিলিয়ন মার্কিন ডলারের বেশি অর্থ প্রদান করা হয়েছে, যার মধ্যে ভর্তুকির জন্য বরাদ্দকৃত তহবিল দ্বিগুণেরও বেশি করা হয়েছে।
- যোগ্য পরিবারের সংখ্যা নাটকীয়ভাবে বৃদ্ধি করা হয়েছে; এর জন্য আয়ের সর্বোচ্চ সীমা ফেডারেল দারিদ্র্য সীমার 200 শতাংশ (চারজনের একটি পরিবারের জন্য প্রায় 64,000 মার্কিন ডলার) থেকে বাড়িয়ে ফেডারেল আইনের অধীনে অনুমোদিত সর্বোচ্চ সীমায় — অর্থাৎ স্টেট ব্যাপী গড় আয়ের 85 শতাংশে (চারজনের একটি পরিবারের জন্য প্রায় 114,000 মার্কিন ডলার) উন্নীত করা হয়েছে।
- অধিকাংশ পরিবারের জন্য শিশু যত্নের খরচ সপ্তাহে সর্বোচ্চ 15 ডলারে নামিয়ে আনার মাধ্যমে ভর্তুকি গ্রহণকারীদের ব্যয়ের পরিমাণ কমানো হয়েছে।
- প্রোভাইডারদের ব্যয় নির্বাহের হার প্রায় 50 শতাংশ বৃদ্ধি করা হয়েছে যা প্রোভাইডারদেরকে কর্মীদের ধরে রাখতে এবং স্টেটজুড়ে শিশুদের মানসম্মত সেবা নিশ্চিত করতে সহায়তা করছে।
- 150 মিলিয়ন মার্কিন ডলারেরও বেশি মূলধনী অর্থায়নের মাধ্যমে ভবিষ্যতে হাজার হাজার নতুন চাইল্ড কেয়ার সিট এবং নতুন কেন্দ্র স্থাপনে সহায়তা প্রদান করা হয়েছে।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)